



UNIVERSITÄTS-
BIBLIOTHEK
PADERBORN

**De Jure Rerum Ecclesiasticarum Ad Germaniae Catholicae
Principia Et Usum Pars ...**

Complectens Sectionem I. & II.

Zech, Franz Xaver

Ingolstadii, 1758

Titulus II. De Baptismo.

[urn:nbn:de:hbz:466:1-68048](https://nbn-resolving.org/urn:nbn:de:hbz:466:1-68048)

dis Ceremoniis & ritibus liberrime
semper usa fuit Ecclesia potestate
Isti igitur ritus ab Ecclesia Catholica
recepti & approbati, ac in solemnibus
Sacramentorum administratione ad-
hiberi soliti, magno studio retineri
& observari debent: nec sine pec-
cato a Ministris pro libitu omitti
nec in novos alios per quemcunque
Ecclesiarum Pastorem, mutari possunt.
(31.). Nam præterquam quod
decorum istæ Ceremoniæ Sacramen-
tis afferunt, & reverentiam quan-
dam conciliant; singulari quoque
antiquitatis commendatione & my-
steriorum, quam habent fecunditate
nobis sunt venerandæ.

TITULUS II. DE BAPTISMO.

*Conf. Decretal. lib. 3. tit. 42.
& 43. lib. 5. tit. 9. ex Clement.
lib. 3. tit. 15.*

§. 186.

Baptismus **B**APTISMUS græcum nomen est
quod frequenter in Sacris Litteris
omne ablutionis genus significat.
Hoc

31.) Conc. TRID. Sess. 7. can. 13.

Hoc loco definitur esse *Sacramentum regenerationis per aquam in Verbo* 32.).

§. 187. Est *Sacramentum*; nam ex *Est Sacra-*
 S. Scriptura habemus Baptismi Ri-
 tum externum constantem materia-
 & forma 33.); Institutionem & Man-
 datum Christi 34.); denique Pro-
 missionem gratiæ ipsi annexam 35.);
 quæ ad rationem Sacramenti requi-
 runtur & sufficiunt.

§. 188. Est *Sacramentum Regene-* *Regenera-*
rationis, scilicet spiritualis; quia dat *tionis*
primam vitam spiritualem ac superna-
 turalem iis, qui naturalem accepe-
 runt 36.).

§. 189. Regeneratio hæc fit per *per aquam*
aquam, tanquam materiam remotam:
 debet autem esse aqua vera naturalis,
 seu elementaris 37.); unde salivæ
 P 3 asper-

32.) Catechism. Conc. TRID. lib. 2.

33.) *Mundans lavacro aquæ in verbo vite.*
 Ephes. V. 26.

34.) *Nisi quis renatus fuerit ex aqua & spi-*
ritu sancto, non potest introire in regnum
Dei. JOAN. III. 5.

35.) *Qui crediderit & baptizatus fuerit,*
salvus erit. MARC. ult. 16.

36.) *Salvos nos fecit per lavacrum regene-*
rationis & renovationis Spiritus Sancti.
 ad Tit. III. 5.

37.) Græci utuntur calida; Latini plerum-
 que

aspersio non sufficit ad Baptismum (38.). Exterior corporis ablutio, seu applicatio hujus aquæ successiva & immediata ad corpus hominis baptizandi, dicitur *materia proxima* Baptismi: sive hæc fiat per *immersionem* in aquam, sive per *asperersionem*, sive per *infusionem* aquæ. Servandus est Ecclesiæ ritus, juxta quem hodie in Ecclesia latina ablutio fit per *infusionem*: cum vix alii præter infantes ad Sacrum Baptisma deducantur, qui ob tene-

que frigida; hyemali tempore etiam calida: hæc enim diversitas non attenditur, nisi quis superstitiose alterutri usui, contra morem suæ Ecclesiæ inhæreat. Lixivium & jusculum carniū potest esse optima Baptismi materia, sicut aqua turbida, ac marina. Aqua gelu concreta in glaciem aut grandinem, est quidem physice eadem substantialiter: theologice tamen substantialem mutationem affert respectu Baptismi, cum inepta sit ad usum abluendi. Cerevisia non est materia Baptismi, ut rescribit GREGORIUS IX. in Norwegiam apud RAYNALDUM Annal. Eccl. ann. 1241. n. 42. solida principia de hære statuit S. THOM. p. 3. q. 66. art. 4. 38.) C. 5. de Baptif. Responsum SIRICII & STEPHANI Papæ de Baptismo in Vino censetur supposititium. Vid. HARDUINUS Dissert. de Baptismo in Vino. inter Opera selecta fol. 223.

teneritudinem sine aliquo periculo non possunt in aquam nudato corpore demergi.

§. 190. Per vocem *In verbo*, intel-*in Verbo.*

liguntur verba constituenta *Formam* Baptismi, scilicet: *Ego te baptizo in nomine Patris & Filii & Spiritus Sancti* 39.).

Græci utuntur eadem forma, sed verbo passivo: *Baptizatur servus* (serva) *Christi N. in nomine Patris &c.* 40.).

Nec unquam alia Baptismi forma e. c. *in nomine Jesu*, fuit usitata in Ecclesia 41.). Unde desumitur, ad va-

P 4 lorem

39.) C. I. de Baptism.

40.) Græci non expriment personam baptizantis, ne occasio detur schismati, quod jam primis Ecclesie sæculis cœperat apud Corinthios, ubi dicebant: *ego sum Cepha; ego sum Pauli.* I. Corinth. I. & III. De ipsorum formula vid. MORINUS de Pœnit. lib. 8. c. 16. a n. 16.

41.) Contrariam opinionem P. ORSI fusc impugnat Autor Operis de Re Sacramentaria. tom. I. in Append. ad lib. 2. P. DANIEL CONCINA Theol. Moral. tom. 8. lib. 2. Differt. I. c. 6. n. 13. dicit, quod P. AUGUSTINUS ORSI solummodo *probabilitatem* suæ sententiæ voluerit asserere: & tamen ejus Adversario vehementer indignatur, ac ex sua mente nihil pronuntiandum existimat, quamvis alias esset hostis infensissimus probabilistarum.

lorem requiri & sufficere, si exprima
tur actus baptizantis, seu abluti
actualis: persona baptizandi: & di
stincta invocatio Personarum Trini
tatis in una essentia.

*Ejus Uni-
tas:* §. 191. Unus est Baptismus tam spe
cie, cum una eademque sit in omni
Baptismo materia, forma & signifi
catio; quam numero, ita ut iterari ca
ca eandem personam non possit, sicut
unica est generatio carnalis.

Necessitas: §. 192. Est omnibus ad salutem
necessarius, non tantum necessitate pro
cepti; sed etiam necessitate medii 42.)
saltem in Voto: per quod intelligitur
desiderium Baptismi juxta multos sal
tem implicitum vel virtuale, contem
tum in actu contritionis perfectæ, vel
in actu amoris Dei super omnia pro
pter se: juxta alios etiam explici
tum; cum alias post prædicationem
Evangelii, non major Baptismi, quam
cujusque alterius Christianæ legi
præcepti necessitas ad salutem foret.
Uterque hic dicitur Baptismus Flami
nis 43.) : Martyrium vero vocatur
Baptif-

42.) *Natura filii ira.* Ephes. II. 3. C. 137. 142. dist. 4. de Consecr.

43.) Libellus, qui docet, prodesse infan
tibus votum Baptismi alienum, scilicet per
rentum, Romæ proscriptus fuit.

Baptismus Sanguinis, qui Baptismi Fluminis seu aquæ vices supplet in ordine ad remissionem peccatorum 44.). Ad Baptismum Sanguinis in adulto requiritur mortis ob fidei aut alterius virtutis Christianæ 45.) defensionem seu exercitium illatæ acceptatio ex motivo supernaturali, & prævia pœnitentia de peccatis commissis: in parvulis autem requiritur Mors seu tormentum ex se mortis illativum, & causa motiva mortis, nempe odium Fidei, Religionis, aut virtutis alicujus Christianæ. Non obstante tamen hac necessitate Baptismi, infantes infidelium, qui sub potestate parentum adolefcere creduntur, ipsis invitatis non sunt baptizandi; nisi parentes sint mera mancipia Dominorum Christianorum 46.).

P 5 §. 193.

44.) *Qui perdidit animam suam propter me, inveniet eam.* MATTH. X. 39. C. 3. XV. q. 1.

45.) *Exempla Martyrum propter alicujus virtutis officium recenset BENEDICTUS XIV. de Canonizat. lib. 3. c. 19.*

46.) *De Baptismo infantibus Judæorum, vel infidelium conferendo accurate disputat BENEDICTUS XIV. in Literis ann. 1747. datis ad Vicesgerentem Urbis. Bullar. tom. 2. Const. 28.*

Minister : §. 193. *Minister* ordinarius Baptismi est Episcopus ; post hunc Sacerdos 47.) & ex commissione Diaconus : quilibet tamen homo rationalis utens valide baptizat ; & in casu necessitatis licite 48.) : etiam fœmina 49.). Ubi tamen tempus & occasio permittit, Clericus præferendus est Laico, vir fœminæ, nisi quando pudor potius fœminæ operam præferri suadet. Parentes non debent baptizare proprios liberos, nisi alius ad manum sit 50.). Nemo autem potest seipsum baptizare 51.). Erronee senserunt aliqui antiqui Patres de Baptismo Hæreticorum, antequam mens Ecclesiæ & vera doctrina

47.) Per hunc intelligitur proprius Parochus.

48.) Conc. LATERAN. IV. c. 1. Conc. FLORENT. in Decret. pro Armenis. C. 23. & 24. dist. 4. de Consecr.

49.) C. 4. XXX. q. 3. In quantam errorum confusionem etiam circa mysteria summe necessitatis, quale est Baptismus, incedant illi, qui ab unitate Ecclesiæ Catholice discedunt, desumi potest ex JOSEPHI BINGHAM Dissertationibus de Baptismo Laicorum.

50.) Arg. c. 2. de cognat. spirit.

51.) C. 4. de Baptism.

na sufficienter fuit manifestata; ex qua habemus, baptizatos ab Hæreticis non esse rebaptizandos, modo legitima materia & forma fuerit adhibita, cum intentione faciendi quod facit Ecclesia, vel Christus instituit (52.). Si tamen dubium sit de Baptismo valide collato ab hæreticis (53.), vel mulieribus in difficili partu turbatis, repetitur Baptismus sub conditione: *Si non es baptizatus, ego te baptizo* &c. Infantes expositi, quorum parentes latent, *absque scrupulo sunt*

52.) An STEPHANI Papæ, an vero CYPRIANI, utriusque Martyris, major fuerit celebritas, parum facit ad rem: fuse de hoc argumento disputat LAUNOIUS tom. 5. vol. 2. lib. VIII. epist. 15. Certe doctrina STEPHANI est doctrina Ecclesiæ de non iterando Baptismo hæreticorum: rebaptizandi tamen erant Paulianistæ, cum isti non baptizarent in nomine Sanctissimæ Trinitatis. C. 52. l. q. 1. BEVEREGIUS in Can. 19. CONC. NICÆN. I.

53.) Concilium MECHLINIENSE celebratum ann. 1607. Tit. 3. cap. 6. vult, ut ab hæreticis baptizati, sub conditione baptizentur, *quia frequens experientia docet, eos sepe contra receptam Ecclesiæ consuetudinem & antiquissimam traditionem baptizare, uno aquam fundente, alio formam pronuntiante.*

sunt baptizandi, ne ista trepidatio
 faciat Sacramentorum purgatione
 ri 54.). Idem dicendum de aliis
 de quorum Baptismo nullo modo
 constat. De illo autem, qui natus
 Christianis parentibus, & inter Christianos
 nos est fideliter conversatus, tam violenter
 ter praesumitur, quod fuerit baptizatus
 ut haec praesumptio pro certitudine sit
 benda, donec evidentissimis forsitan
 gumentis contrarium probaretur 55.).

Subjectum: §. 194. Non solum adulti sed etiam
 am infantes baptizantur valide & licite
 cite 56.): hi enim possunt salvari
 etiamsi moriantur ante usum rationis
 nis 57.): sed juxta verba Christi

54.) Conc. CARTHAG. V. c. 6. Cod. Can. African. c. 72. item c. 110. seqq. dist. 4. de Consecr.

55.) C. 3. in fin. de Presbyt. non baptiz.

56.) Catholici in hoc dogmate consentiunt. Aca-
 tholici inter se pugnant. Variorum errores de Baptismo infantium ex Scrip-
 ptoribus primorum saeculorum confutari
 Jos. BINGHAM Orig. Eccl. lib. XI. c. 4.
 Hunc impugnat Autor *der unschuldigen
 Warheiten* Colloq. 9. & 10. Contra istum
 uti etiam contra ANT. VAN DALE alios-
 que, scribit JOAN. GEORG. WALCHTUS
 Miscell. Sacror. lib. 3. Exercit. I. de His-
 tor. Pædobaptismi &c.

57.) Absit enim, ut universi parvuli pereant.

nisi quis renatus fuerit ex aqua, & Spi-
ritu Sancto, non potest introire in regnum
DEI. 58.) Nec monstrum, nec fo-
tus mortuus, Baptismi capax est: in
dubio adhiberi potest conditio 59.)
Infans baptizandus, jam debet esse
natus: nec in utero censetur bap-
tizatus, si baptizatur mater prægnans
60.) In adultis requiritur propria
voluntas: unde dormientes & amen-
tes, si priusquam amentiam incurrerent,
aut dormirent, in contradictione persiste-
rent: quia in eis intelligitur contradi-
ctionis propositum perdurare, etsi fuerint
sic immergi, characterem non suscipiunt
Sacramenti: secus autem, si prius Cate-
chumeni extitissent, & habuissent propo-
situm baptizandi: unde tales in necessitatis
articulo consuevit Ecclesia baptizare 61.)
Si-

quorum quotidie tanta multitudo moritur,
quin & ipsis misericors Deus, qui neminem
vult perire, aliquod remedium procurave-
rit ad salutem. C. 3. de Baptismo.

58.) JOANN. III. 5.

59.) Si alicubi infantes sine vita nati, post
aliquas ceremonias adhibitas, passim re-
deuntis vitæ indicia ad conferendum
Baptismum sufficientia dare dicantur,
magna cautela obviandum est illusionibus.

60.) C. 114. seqq. dist. 4. de Consecr.

61.) C. 3. in fin. de Baptismo.

Siquis autem amens a nativitate esse
omni lucido intervallo destitutus
hic baptizandus esset instar infans
in fide Ecclesiæ.

Effectus : §. 195. Effectus Baptismi sunt
Remittit peccatum Originale & omnia
peccata personalia (62.), tum
quoad culpam, tum quoad pœnam
omnem, etiam temporalem: remittit
tamen pœnalitatibus, quæ
vocant, & concupiscentia, ad agnitionem
& victoriæ coronam. II. Conferret
gratiam habitualem, virtutes infusas
& alia dona supernaturalia, quibus
homo sanctificatur & interiorius
renovatur. III. Dat jus quoddam
ad gratias actuales, ad finem
sibi proprium assequendum, nempe
ad sancte & Christiane vivendum.
IV. Imprimat characterem indelebilem:
unde repeti non potest in eadem
persona. V. Efficit membrum
Ecclesiæ, ejusque potestati subiectum.
VI. Tribuit capacitatem suscipiendi
alia Sacramenta, & jus ad illa, ceteraque
bona communia Ecclesiæ, quæ
nam Baptismus est *Sacramentorum fons*
da-

62. J. C. 16. I. q. 1. Conc. TRID. Sess. 14.
c. 2. de Pœnit.

amentum, & Janua reliquorum 63.): unde Clerici invalide baptizati, rebaptizantur & iterum ordinantur 64.). Ex his effectibus dignoscitur, quomodo sensu Baptismus dicatur Circumcisioni successisse 65.). Circumcisio enim, sicut quodlibet aliud opus Legis veteris, vi suæ institutionis, nec remittebat peccatum Originale, nec conferebat gratiam: cum tamen præter notam populi ad fœdus antiquum pertinentis, esset testimonium Fidei in Christum venturum; cedebat in remedium salutis, sicut alia ejusmodi signa apud cæteras gentes. Baptismus autem longe nobiliores, & nobiliori modo suos effectus producit.

§. 196. Dispositiones ad effectus Baptismi percipiendos in adultis requiruntur istæ. I. Ad obtinendum Characterem sufficit voluntas recipiendi Baptismum (§. 194.). II. Ut adultus per actum Charitatis perfectæ jam justificatus recipiat in Baptismo augmentum gratiæ, & jus ad gratias actuales Sacramentales, requiri.

Dispositio:

63.) C. 2. de Cognat. Spirit. in 6.

64.) Conc. NICÆN. I. can. 19. C. 3. de Presbyt. non baptiz.

65.) C. 3. de Baptism.

quiritur voluntas suscipiendi Bapti-
 mum ex motivo aliquo supernatu-
 rali. III. Ut adultus habens solum
 originale peccatum, consequatur
 justificationem, requiritur a) Fide
 explicita de existentia unius DEI Re-
 muneratoris; de Mysterio Trinitatis
 & Incarnationis; & generatim de
 Veritate divinitus revelatorum
 promissorum, præsertim circa justifi-
 cationem impii per gratiam DEI
 ex meritis Christi Redemptoris.
 Spes justificationis & vitæ æternæ
 consequendæ. γ) Dilectio, qua
 DEUM tanquam omnis justitiæ fontem
 diligere incipiat. δ) Propositi-
 tum efficax servandi omnia præce-
 pta, & Christiane vivendi. ε) Vo-
 luntas suscipiendi Baptismi 66.)
 IV. Ut adultus habens præter pec-
 catum Originale, alia personalia
 mortalia, justificationem consequatur
 in Baptismo, præter actus me-
 moratos requiritur poenitentia, se-
 dolor de peccatis supernaturalis, ab-
 solutus, universalis, efficax, ap-
 preiative summus, & impossibi-
 bilis cum ullo affectu ad mortalia
 pecca-

66.) Conc. TRID. Sefs. 6. c. 6.

peccatum 67.) : omnis enim, qui jam arbiter voluntatis suæ constitutus est, cum accedit ad Sacramenta fidelium, nisi eum pœniteat vitæ veteris, novam non potest inchoare 68.). Si hæc deessent, aut pravæ voluntatis obex poneretur, Baptismus valide quidem, sed sine fructu susceptus, reviviscere poterit, obice postea per veram pœnitentiam sublato 69.). Ex hac doctrina intelliguntur Canones, qui dicunt, Baptismum susceptum extra Ecclesiam, non prodesse ad salutem: loquuntur scilicet de adultis, qui hæresi vel schismati adhærent; quorum tamen Baptismus est validus, & potest reviviscere post pœnitentiam 70.).

§. 197. Cum hæ, & quæcunque *Gratuita* aliæ dispositiones humanæ se solis *Dei Misericordia* nequaquam sufficientes sint ad pro-ducendos nobilissimos Baptismatis effectus; hinc acceptum tanti Sa-
 Q cramen-

67.) *Pœnitentiam agite, & baptizetur unusquisque vestrum.* Act. II. 38. Conc. TRID. loc. cit.

68.) C. 81. dist. 1. de Pœnit. c. 96. dist. 4. de Consecr.

69.) C. 42. dist. 4. de Consecr.

70.) C. 48. 49. 50. I. q. I. C. 29. 45. dist. 4. de Consecr.

cramenti beneficium a nobis requirit assiduam animi gratitudinem erga eum, qui secundum suam misericordiam salvos nos fecit per lavacrum regenerationis & renovationis Spiritus Sancti, quem effudit in nos abunde per Jesum Christum Salvatorem nostrum: ut justificati gratia ipsius, heredes simus secundum spem vite aeternae 71.).

quo ulterius admonemur, ut quique Christianus agnoscat dignitatem suam, & Divinae consors factus naturae caveat in veterem vilitatem degenerata conversatione redire 72.): at e contrario totam vitam illi consecret, cuius munere ab infelicissimo damnationis statu eductus, & in spem caelestis hereditatis adductus est.

Ceremonia

§. 198. Ceremonia in administratione Baptismi adhiberi solita, sunt antiquissima, & a primis Ecclesiae saeculis derivata 73.). Olim adultis dum Catechumeni erant, diversis successive diebus applicabantur, in Vigilia Paschatis aut Pentecostes

71.) Ad Titum III. 5. 6. 7.

72.) S. LEO ferm. I. de Nativ.

73.) Vid. JOS. VICECOMES observat. Eccles. vol. I. in quo de antiquis Baptismi Ritibus, ac Ceremoniis agitur.

ablui possent. Hodie infantibus recens natis quovis die, continua serie applicantur.

§. 199. *Ante Baptismum*, Baptizandus sistitur ad fores Ecclesiæ, utpote illius ingressu indignus, quamdiu sub jugo dæmonis constituitur: Sacerdos insufflat in eum, Satanamque adjurat, ut ab hac creatura Dei recedat 74.) : signum Crucis fronti imponit & pectori, ut significetur, Christianos gloriari debere in Cruce Domini Nostri Jesu Christi, omnemque Baptismi vim a Cruce Christi derivari. Sal benedictus baptizando degustandus datur, tanquam incorruptionis & sapientiæ Symbolum, ut regenerati, vitiorum putredine ablata, Sapientiæ sale conditi, Divina probent, atque cœlestia, incorruptamque deinceps vitam ducant 75.). Saliva oris sui, baptizandi nares auresque Sacerdos linit, ut pateant aures Verbo DEI, animoque percipiat suavissimum odorem veritatis.

Q 2 Re-

74.) C. 53. & 62. dist. 4. de Consecr.
75.) C. 65. ibid.

Recitatur Oratio Dominica & Symbolum: jubetque ter Sacerdos, eum in Ecclesiam inducens, abrenuntiare Satanae & omnibus pompis & operibus ejus; credere etiam in Jesum Christum, eique soli fideliter adherere. Adultus hæc propriis verbis præstat: infans autem ore Patrum. Pectus & Scapulæ inunguntur oleo Catechumenorum, ad significandum robur baptizatis additum adversus tentationes & diaboli impugnationes 76.).

In Baptismo :

§. 200. *In ipso Baptismo* Ceremoniæ adhiberi solitæ, præcipue sunt, ut adhibeatur, extra casum necessitatis, aqua solemniter consecrata in vigiliis Paschæ & Pentecostes, quibus diebus olim ipse Baptismus solemniter conferebatur 77.): Paternus & Matrinalis, quos susceptores aut etiam sponsores vocamus, Catechumenum ad Baptismum offerant, spondeantque servaturum eum, quicumque aut proprio, aut susceptorum ore promisit; unde etiam illius institutionem, quatenus necesse fuerit, singulari studio curare, & in
Spiri-

76.) C. 73. ibid.

77.) Can. 15. ibid.

Spiritualibus parentum loco esse debent 78.): Nomen alicujus Sancti imponatur, ut eum Patronum habeat apud DEUM, morumque exemplar: repetita Professione Fidei 79.) & voluntate suscipiendi Baptismum, Baptismus conferatur, hodie trina aquæ infusione cum expressa SS. Trinitatis invocatione, ita ut ab eodem pronuntietur forma, a quo infunditur aqua, Patrino infantem tenente.

§. 201. *Post Baptismum*, Baptiza-*Post Baptis-*
tus ungitur sacro Chrismate in ver-*mum*:
tice 80.); ut ostendatur, eum esse
unctionis illius spiritualis partici-
pem, a qua *Christi & Christiani* no-
men deductum est, & consortem Re-
galis Sacerdotii 81.). Veste candi-
da Neophytus induitur, ut sciat, ac-
ceptam gratiam ad mortem usque re-
tinendam, candidamque vitæ inno-
centiam perpetuo conservandam esse
82.). Traditur Cereus accensus, cum

Q 3 Chri-

78.) De Cognatione spirituali ex Baptismo
orta, dicitur infra, ubi de impedimentis
Matrimonii.

79.) C. 73. d. 4. de Consecr.

80.) C. un. §. quia vero. de Sacra Unct.

81.) I. PETR. II. 9.

82.) C. 91. 92. d. 4. de Consecr.

Christianus jugiter esse debeat lucerna ardens & lucens, semperque paratus, Christo sponso occurrere cum Virginibus prudentibus 83.). Si consuetæ ceremoniæ in casu necessitatis omiſſæ sunt, eadem commodè tempore supplebuntur a Parocho nam alius Sacerdos in casu necessitatis baptizans nullas debet adhibere ceremonias, quas etiam tempore permitteret, nisi volente Parocho ceremoniæ enim pertinent ad Baptismum solemnem, cujus proprius Minister est Parochus. Hic tamen postea si supplet ceremonias, non debet adhibere exorcismos, pro expellendo dæmone, qui per baptismum jam est fugatus. Si vero adultus, cui ab hæreticis in infantiæ ceremoniæ non sunt adhibita, ad Ecclesiam revertatur, piis & sedulis admonitionibus inducendus est, ne etiam illa omittat, quæ non sine gravissimis causis, nec sine maxima inde consequente utilitate, tanquam varia quædam Fidei & pietatis incitamenta, huic Sacramento ab initiis Ecclesiæ annexa sunt. Demum inscriben-

83.) MATTH. XXV,

scribendum matriculæ nomen baptizantis, Baptizati, Parentum, & Patrino-
rum, dies collati Baptismi &c.

§. 202. Notitia harum ceremoniarum ad id serviat, ut perpetuo quisque sit memor, & identidem renovet illam suam spon-
sionem, seu Christianam professionem, quam in sacro lavacro, sive per seipsum, sive per sponsores edidit: vitamque suam illi conformem reddat. Unde Sacerdos baptizans *fideles presentes pie, religiose, omnique animi attentione adesse sepe moneat, memoria tacite studioseque repetentes, quæ DEO, cum Baptismum ipsi susceperunt, sancte spon-
derunt 84.)*

§. 203. Denique utiliter aliqua annotantur, a Parochis circa Baptismum evitanda vel præcavenda.

I. Cavendum, ne rudis plebs abutatur aqua Baptismali ad superstitiones: oleum autem Catechumenorum aut Chrisma pro Baptizandis destinatum, ad nullos alios usus ulli concedendum est.

II. Si obvii pauperes sumantur in Patrimonios, non obtinetur finis Eccle-

Q 4 fix:

84.) Conc. MEDIOLAN. V. ann. 1579. part. I. Const. 7.

fiæ: imo istud nonnunquam fit et
superstitione. Non adhibendi sunt
plures Patrini; sed unustantum, sive
vir, sive mulier, vel ad summum
unus & una 85.). Non adhibendi
sunt hæretici, perditæ famæ homi-
nes, impuberes, non baptizati &
prohibentur etiam hoc munus sus-
cipere Regulares, nisi sint Epis-
copi 86.).

III. Infantes non debent cum ma-
gna pompa sæculari portari ad Bap-
tismum, ne in ipso vitæ Christianæ
ingressu statim iis rebus studeant,
quibus potissimum solemniter sponso-
ne renuntiatur, scilicet diabolo &
pompis ejus 87.).

IV. Caveatur omnis superstitio in-
imponendo nomine 88.), dum ali-

85.) C. 101. d. 4. de Consecr. C. 3. de Co-
nsecrat. Spirit. in 6. Conc. TRID. Sess. 24.
c. 2. de Reform. matrim.

86.) C. 20. XVIII. q. 2. C. 103. 104. d. 4.
de Consecrat.

87.) Conc. MEDIOLAN. V. ann. 1579. part.
I. Const. VII. Provinciale AQUENSE ann.
1585. tit. de Baptism. Sacram. TOLOSA-
NUM ann. 1590. p. 2. c. 2. n. 7.

88.) *Accensis lucernis, & eis nomina impo-
nentes, efficiunt, ut ea quæ diutissime duræ
perit.*

qui superstiose horrent, alii affectant certa nomina: nec imitatione digna videtur pietas quarundam Provinciarum erga B. Virginem, ubi nulli fæminæ imponitur nomen Mariæ. Multis displicet mos tribuendi fæminis nomina Angelorum, vel Virorum Sanctorum: nec masculis imponendum nomen *Uriel*, cum hoc & alia similia censeantur nomina diaboli 89.). Non imponantur nomina profana, ridicula, fabulosa, aut inanium Deorum: neque etiam Fæstorum Sacrorum, ut Pentecostes, omnium Sanctorum.

V. Antiquitus dabatur Eucharistia infantibus sub specie vini mox post Baptismum, non tantum apud Græcos, sed etiam Latinos. Viget adhuc alicubi consuetudo instillandi baptizato infanti aliquas guttas vini ex purificatione Calicis ad finem Missæ, quæ prima legitur post collatum Baptismum. Forte populus
Q5 hac

verit, eodem nomine appelletur quo infans: hinc conjicientes futurum, ut diu vivat. S. CHRYSOSTOM. in epist. I. ad Corinth. homil. 12. prope fin.

89.) Conc. ROMANUM sub ZACHARIA Pontifice ann. 745. Actio. 3.

hac ratione delusus fuit, cum nolle abrogari consuetudinem dandi Eucharistiam: deberent Parochi se conformare communi usui Ecclesiae, omnia haec simulatione.

VI. Concilium MEDIOLANENSE (SE L. 90.) damnat detestabilem consuetudinem baptizandos infantes in Altari collocandi, ut muneribus compatriam redimantur.

VII. Convivia, aliosque nimios sumptus occasione Baptismi, a Principe vel Magistratu loci restringendos esse, jubent Constitutiones Imperii 91.).

VIII. Optime factum, quod in quibusdam locis abrogatus sit mos exigendi pinguius jus stolae pro eo baptizando, qui primus Sacramentum hoc suscipit ex aqua recens consecrata in Vigilia Paschatis vel Pentecostes: pro caeteris etiam baptizandis non plus exigendum, quam laudabilis & ab Episcopo approbata consuetudo permittit 92.).

TI-

90.) Celebratum ann. 1565. Const. p. 2. tit. 1.

91.) Reform. Polit. Augustae 1530. tit. 23. item ann. 1548. tit. 15. Ordinat. Polit.

Frankfurti ann. 1577. tit. 15.

92.) De pecunia ratione Baptismi Sacerdotibus